



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 4. Thomæ Epistola ad Cardinalem Ostiensem.

---

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII.  
A. C. 1169.

## §. IV.

Thomæ Epistola ad Cardinalem  
Ostiensem.

III. ep. 79. Interim Thomas haud ignarus Regem Angliæ nullum non contra se movere lapidem, & Papam instigare, ut se in Italiam advocaret, Humbaldo Cardinali, Episcopo Ostiensi, amico suo, postea Papæ Lucio III. scripsit in hunc modum: *Cum omnibus constet, Regem Angliæ nihil ardentius moliri, quam ut Libertatem Ecclesiæ opprimat, & auctoritatem Sacræ Sedis ex omnibus suis Ditionibus proscribat, omnes sapientes & Deum timentes mirantur Ecclesiæ Romanæ patientiam, qua tamdiu Principis impietatem dissimulat. An in oculis Dei hominumque probrum non sit, pauperes judicare, Potentes autem nullo fræno injecto reprimere, quos vera Justitia potentius quam ceteros torquet? Quis Principum unquam sciente & vidente Summo Pontifice tam enormi fiducia, ac hodie Rex Angliæ, Bonis Ecclesiæ abusus est? Quinque jam anni circumacti sunt, ex quo Episcopatum meum tenet. In usus suos convertit redditus & census Ecclesiarum Lincolnensis, Bathoniensis, Herfordiensis, & Elisiensis, omnes ferme agros Ecclesiæ Landavanæ militibus suis distribuit,*

Sap. 6. 7.



distribuit, Bangoriensi vero Ecclesie an- Sæcul. XII.  
 nis jam decem vacanti Episcopum per Δ.C. 1169.  
 electionem dari non permittit. Silentio  
 prætereo Abbatis, quia earum vacan-  
 tium numerus mihi non est cognitus. Hæc  
 omnia agere se jactat ex privilegio ac-  
 quisito Consuetudinum suarum, quas ab  
 Ecclesia Romana in ipsis principiis pub-  
 lica damnari oportuisset.

Ergo quia Ecclesiam opprimi non pa-  
 tior, Rex Angliæ compellere vos vult,  
 ad me ab Episcopatu deponendum? quia Le-  
 gem Dei proderere nolo, vult, ut me ad aliam  
 Ecclesiam, nulla utilitate id poscente, nulla  
 urgente necessitate, transferatis? quia eo-  
 rum, quæ per summum nefas peragit, parti-  
 cepe esse horreo, vult, ut me in Italiam accer-  
 satis, & ipse, dum iter facio, occasionem  
 captet, oblato sicariis pretio caput meum li-  
 citandi. Quo enim consilio, nisi in meam  
 perniciem, animos Mediolanensium, Cre-  
 monensium & Parmensium, quos promisso  
 auro corruptit, sollicitat? Quid ego unquam  
 mali Ticinensibus aut aliis Italiae urbibus  
 intuli, ut exilio me damnari tantopere  
 cupiant? Et infra: An non etiam Frangi-  
 panes, Latrones\*, Petri Leonis Familia,  
 ceterique Romanorum potentissimi ad  
 subjiciendam Ecclesiam Romanam conducti  
 sunt? Quin imo pax Ecclesie cum Impera-  
 tore & Saxonibus promittitur, Romani  
 ad præstandam jurejurando Papæ fidem  
 magna

\* Hodie  
 Ludron.



Sæcul. XII. *magna vi auri permovendi dicuntur, si*  
 A. C. 1169. *modo unicum lucrum ad Regem Angliæ*  
*redeat, nempe, si Papa me deponat. Capiti,*  
*quam tristem, quam periculosam profectio-*  
*nem mihi imperari Rex petierit? nec*  
*tamen curabat, unde tam longi itineris*  
*sumtus acciperem, aut quo creditoribus meis*  
*satisfacerem. Tandem nequicquam voca-*  
*retis me; nunquam iter, quod sine capitis*  
*periculo suscipere nequeo, ingrediar.*

§. V.

*Gratianus & Vivianus Nuncii ad Re-*  
*gem Angliæ mittuntur.*

Nuncii vero, quos ad Regem Angliæ  
 mittendos Papa delegit, erant Gra-  
 3. ep. 80. tianus, Eugenii III. Papæ nepos, Sub-  
 diaconus & Ecclesiæ Romanæ Notarius,  
 \* Orieto. ac Doctor Vivianus, Archidiaconus Ur-  
 bis veteris \*, & in Curia Romana Cat-  
 fidicus. Huic Papa tradidit formulam  
 pacis, de qua agendum erat, coegit-  
 que ambos jurejurando promittere, se  
 præscriptos limites neutiquam transgres-  
 furos. Prohibuit, ne se sumtibus Regis  
 sustentari paterentur, priusquam pax  
 sancita fuisset, nec vel diem unum ultra  
 præstitutum terminum, videlicet Festum  
 S. Michaelis ejusdem anni millesimi cent-  
 tesimi sexagesimi noni in Regis ditioni-  
 bus morarentur. Porro duas epistolas  
 ferebant Nuncii, alteram ad Archiepi-  
 scopum